

Na osnovu člana 25. Odluke o komunalnom redu ("Sl. novine općine Zenica" br. 7/11, prečišćen tekst 2/13), člana 8. Odluke o korišćenju javnih površina ("Sl. novine općine Zenica" br. 9/99 i "Sl. novine Grada Zenica" br.1/18) i Saglasnosti Gradonačelnika Zenice od 09.11.2017. godine i od 26.02.2018. godine, Javno preduzeće za prostorno planiranje i uređenje grada "Zenica" d.o.o. Zenica **o b j a v l j u j e**

KONKURS

za dodjelu lokacija na privremeno korišćenje radi postavljanja kioska namjene "prodaja štampe i duhanskih proizvoda" i reklamnih objekata na području grada Zenica, licitacijom putem zatvorenih koverti

Urbanističko-tehničkim uslovima Službe za urbanizam, imovinsko-pravne, geodetske poslove i katastar nekretnina od 06.03.2018. godine i 07.03.2018. godine, određene su lokacije za postavljanje kioska namjene "prodaja štampe i duhanskih proizvoda" i reklamnih objekata na području grada Zenica:

BROJ LOT-A	Vrsta objekta	LOKACIJA	TLOCRTNE DIMENZIJE OBJEKTA	UKUPAN BROJ OBJEKATA	POČETNA CIJENA ZA POSTAVLJANJE JEDNOG OBJEKTA, MJESEČNO U KM
LOT-1	Kiosk	Ul. Željeznička (1 lokacija)	3,60 m x 2,40 m (P=8,64 m ²)	1	210,00
LOT-2	Kiosk	Ul. Travnička cesta (1 lokacija)	3,60 m x 2,40 m (P=8,64 m ²)	1	240,00
LOT-3	Kiosk	Ul. Armije BiH (1 lokacija)	3,60 m x 2,40 m (P=8,64 m ²)	1	240,00
LOT-4	Kiosk	Ul. Prve zeničke brigade (1 lokacija)	3,60 m x 2,40 m (P=8,64 m ²)	1	240,00
LOT-5	Okrugli rasvjetni reklamni pano	Stanični trg – Plato Željezničke stanice (1 lokacija)	Promjera 1,35 m visine 3,50 m	1	200,00
LOT-6	Osvjetljeni dvostrani reklamni pano tipa "Yumbo"	Ul. Aleja šehida (3 lokacije) Ul. Bul. Kralja Tvrtka I (2 lokacije) Ul. Bul. Kulina bana (1 lokacija)	5,00 m x 2,40 m	6	250,00
LOT-7	LED BILBORD	Rondo Radakovo - zelena površina na uglu Ul. Prve zeničke brigade i Bistua Nuova	Površina led displeja od 25 m ² do 30 m ²	1	500,00
LOT-8	LED BILBORD	Rondo Mokušnice - zelena površina na uglu Ul. Sarajevska i Armije BiH	Površina led displeja od 25 m ² do 30 m ²	1	500,00
LOT-9	LED BILBORD	Rondo Stacionar - zelena površina na uglu Ul. Zmaja od Bosne i Bul. Kralja Tvrtka I	Površina led displeja od 25 m ² do 30 m ²	1	500,00
LOT-10	LED BILBORD	Bul. Kralja Tvrtka I - zelena površina ispred perona Autobuske stanice	Površina led displeja od 25 m ² do 30 m ²	1	500,00
LOT-11	LED BILBORD	Rondo kod Rudarskog hotela - zelena površina uz spojnu saobraćajnicu Ul. Branilaca Bosne i Travnička cesta	Površina led displeja od 25 m ² do 30 m ²	1	500,00

LOT-12	LED BILBORD DVOSTRANI	Ulica Maršala Tita – betonski plato između ograde Kamenog mosta i zimske bašte	Maksimalna širina led displeja 1,20 m i maksimalna visina led displeja 5,00 m	1	500,00
--------	--------------------------	--	---	---	---------------

Pravo učešća na Konkursu imaju sva pravna i fizička lica koja su registrovana, odnosno imaju odobrenje nadležnog organa za obavljanje djelatnosti trgovine na malo duhanskim proizvodima i novinama (za kioske) i za obavljanje usluge reklamiranja i oglašavanja (za reklamne objekte).

Svaki ponuđač može da aplicira na jedan, više ili sve LOT-ove.

Prijava treba da sadrži:

- Identifikacione podatke podnosioca prijave i to za fizičko lice: prezime, ime jednog roditelja i ime, adresu i broj telefona, a za pravno lice : naziv, sjedište, adresu, broj telefona i ID broj
- Aktuelni izvod iz sudskog registra za pravno lice, odnosno odobrenje nadležnog organa za obavljanje predmetnih djelatnosti
- Dokaz o izmirenim poreznim obavezama i doprinosima (Potvrdu Porezne uprave o izmirenim direktnim porezima i doprinosima iz plaće i na plaću i potvrdu UIO o izmirenim indirektnim porezima)
- Potvrdu banke da račun ponuđača nije bio blokiran u posljednja tri mjeseca
- Cijenu za jedan objekat u okviru LOT-a. Određivanjem cijene za jedan objekat podrazumijeva da ponuđač aplicira za postavljanje objekata na svim lokacijama u okviru LOT-a br. 6
- Dokaz o uplati troškova za učešće na Konkursu u iznosu od 50,00 KM po jednom LOT-u uplaćenih na transakcijski račun JP za prostorno planiranje i uređenje grada «Zenica» d.o.o. Zenica broj: 134-010-0000139121 otvorenom kod „ASA banke“ d.d. Sarajevo

Tražena dokumentacija mora biti dostavljena u originalu ili ovjerena kopija, ne starija od tri mjeseca.

Pismene prijave na Konkurs podnose se u roku od 15 dana nakon objavljivanja u dnevnim listovima «Oslobođenje» i „Dnevni avaz“, najkasnije do 10.04.2018. godine do 12 sati, na adresu: Javno preduzeće za prostorno planiranje i uređenje grada «Zenica» d.o.o. Zenica, Ul. Mehmedalije Tarabara br. 15, Zenica. Ponude treba dostaviti u jednoj zatvorenoj koverti sa naznakom „Ponuda na Konkurs za dodjelu lokacija za privremeno postavljanje kioska i reklamnih objekata na području Grada Zenica–ne otvarati“, sa naznakom LOT-a, odnosno LOT-ova na koji ponuđač aplicira.

Ukoliko ponuđač aplicira na više LOT-ova potrebno je dostaviti jednu dokumentaciju iz tačaka od a) do d), a u odvojenim kovertama sa naznakom svakog LOT-a, ponuđenu cijenu i dokaz o izvršenoj uplati za učešće na Konkursu za taj LOT.

Javno otvaranje ponuda održat će se istog dana, 10.04.2018. godine u 12,30 sati u prostorijama Javnog preduzeća za prostorno planiranje i uređenje grada «Zenica» d.o.o. Zenica.

Otvaranju ponuda može prisustvovati ovlašteni predstavnik ponuđača.

Provođenje Konkursa, javno otvaranje ponuda, njihovo razmatranje i prijedlog budućih korisnika javne površine vrši Komisija za provođenje Konkursa. Prigovor Gradonačelniku Zenice na Odluku o izboru najpovoljnijeg ponuđača može izjaviti svaki učesnik na Konkursu pismeno najkasnije u roku od 5 dana od dana prijema Odluke o izboru najpovoljnijeg ponuđača.

Uslov za izbor najpovoljnijeg ponuđača je blagovremena i potpuna prijava jednog ili više ponuđača za svaki Lot iz Konkursa. Nepotpune i neblagovremene prijave se neće razmatrati.

Kao najpovoljnija ponuda smatra se ponuda sa najvišom ponuđenom cijenom u odnosu na početnu.

U slučaju da dva ili više ponuđača ponude istu cijenu prednost ima onaj ponuđač koji je ranije podnio ponudu na Konkurs.

Sa najpovoljnijim ponuđačem, investitorom - korisnikom koji dostavi potpunu prijavu i ponudi najvišu cijenu zaključit će se ugovor o korištenju javne površine, na period od 2 godine, za LOT - 1, LOT - 2, LOT - 3 i LOT - 4, s mogućnošću produženja, ukoliko to tada bude predviđeno prostorno-planskom dokumentacijom i po postignutoj cijeni ili po cijeni iz Tarifnika što bude za grad povoljnije, 4 godine za LOT - 5 i LOT - 6, a 7 godina za LOT - 7, LOT - 8, LOT - 9, LOT - 10, LOT - 11 i LOT - 12 u roku od 30 dana od dana donošenja konačne Odluke o izboru najpovoljnijeg ponuđača.

Ponuđač koji bude odobran kao najpovoljniji ponuđač obavezan je u roku od osam dana od dana zaključenja ugovora podnijeti Službi za urbanizam, imovinsko-pravne, geodetske poslove i katastar nekretnina Grada Zenica Zahtjev za izdavanje Rješenja o urbanističkoj saglasnosti za korištenje dodijeljenih lokacija i pribavi sve potrebne saglasnosti komunalnih ili drugih javnih preduzeća za postavljanje, odnosno izmještanje postojećih infrastrukturnih objekata i snosi troškove priključenja na elektroenergetski sistem i priključenje kioska i LED BILBORDA na vlastito brojilo, odnosno sistem javne rasvjete drugih reklamnih objekata. Za dobijanje rješenja o odobrenju za građenje za postavljanje kioska potrebno je dostaviti projektnu dokumentaciju izrađenu i revidovanu od ovlaštenog preduzeća, a za dobijanje rješenja o odobrenju za građenje za postavljanje LED BILBORDA potrebno je dostaviti projektnu dokumentaciju izrađenu od ovlaštenog preduzeća na uvid Službi za urbanizam, imovinsko-pravne, geodetske poslove i katastar nekretnina Grada Zenica.

Grad Zenica će zaključenim ugovorima o korištenju javne površine radi postavljanja LED BILBORDA za svaki objekat za LOT 7, LOT 8, LOT 9, LOT 10, LOT 11 i LOT 12 usloviti da vlasnik bilborda omogući Gradu Zenica, bez naknade, ukupno 3 minute za obavještanje i dnevno informisanje za potrebe građana Grada Zenica u svakom satu od 24 sata emitovanja sadržaja na bilbordu.

Urbanističko-tehnički uslovi Službe za prostorno uređenje od 06.03.2018. godine i 07.03.2018. godine kojima su određene predmetne lokacije i karakteristike objekata mogu se pogledati u Javnom preduzeća za prostorno planiranje i uređenje grada «Zenica» d.o.o. Zenica, u kancelariji 104.

Javno preduzeće za prostorno planiranje i uređenje grada "Zenica" d.o.o. Zenica zadržava pravo da u svakoj fazi postupka, do konačnosti odluke o izboru najpovoljnijeg ponuđača, isti poništi.

U slučaju da najpovoljniji ponuđač odustane od zaključenja ugovora, ugovor će se zaključiti sa drugorangiranim ponuđačem.

Sve informacije vezane za Konkurs mogu se dobiti na telefon 032/460-926, kontakt osoba Balić Vildana.